



Broj predmeta: 13-001856/23
Broj akta: 01.1-1528ZN-0034/24
Datum, 21. 2. 2024.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH („Službeni glasnik Brčko distrikta BiH“, broj: 27/23 - prečišćen tekst) i čl. 70 stav (4) Zakona o javnim nabavkama („Službeni glasnik BiH“, brojevi: 39/14 i 59/22), a u skladu s članom 69. stav (2) tačka d) Zakona o javnim nabavkama („Službeni glasnik BiH“, brojevi: 39/14 i 59/22), člana 24. stav (3) Instrukcije o organizaciji i internom postupanju u postupcima javnih nabavki u Brčko distriktu BiH („Službeni glasnik Brčko distrikta BiH“, broj: 3/23) i Zapisnika o pregledu i ocjeni ponuda broj: 13-001856/23 od 8.2.2024. godine, gradonačelnik Brčko distrikta BiH d o n o s i

ODLUKU O PONIŠTENJU POSTUPKA JAVNE NABAVKE

Član 1.

Poništava se otvoreni postupak za nabavku radova **Lot 2 – Rekonstrukcija i dogradnja nadstrešnice iznad česme MZ stari rasadnik i Lot 5 – Uređenje parka u MZ Gornji Rahić – sjetva trave** iz provedenog postupku za nabavku radova za potrebe Kancelarije za upravljanje javnom imovinom – 6 lotova, na osnovu Odluke o pokretanju postupka javne nabavke broj: 13-001856/23 od 26.10.2023. godine, koji je pokrenut na osnovu Obavještenja o nabavci na portalu javnih nabavki broj: 1157-1-3-439-3-747/23 od 10.11.2023. godine, ispravke Obavještenja broj: 1157-1-3-439-8-783/23 od 29.11.2023. godine, predmjera radova u vezi sa Tenderskom dokumentacijom broj: 13-001856/23. iz razloga što nijedna od primljenih ponuda nije prihvatljiva, što prema čl. 69. stav (2) tačka d) Zakona o javnim nabavkama predstavlja osnov za ponuštenje postupka javne nabavke.

Obrazloženje

Komisija za nabavke je nakon izvršenog otvaranja ponuda konstatovala da je dostavljeno šest ponuda, ponuđača: „Astra plan“ d.o.o. Brčko, „Zanat-tex“ d.o.o. Brčko, „Pikaso“ d.o.o. Brčko, „Gradska čistoća“ d.o.o. Brčko, „Bijelić gradnja“ d.o.o. Brčko i „Lišić konstrukcije“ d.o.o. Brčko. Sastavni dio odluke čini zapisnik sa otvaranja ponuda, zapisnik o pregledu i ocjeni ponuda i izvještaj o toku i završetku e-aukcije. Ponude su ocijenjene kao prihvatljive prema obliku, sadržaju i potpunosti te u pogledu načina pripreme i dostave ponude, osim ponude ponuđača „Gradska čistoća“ d.o.o. Brčko koja je ocijenjena kao nepravilna jer ponuda nije bila čvrsto uvezana što je bilo obaveza prema tački 6.1.6 tenderske dokumentacije. Ponuđači su ocijenjeni kvalifikovanim jer su ispunili kvalifikacione kriterijume u skladu sa članom 45. do 51. Zakona o javnim nabavkama. Ponude su ocijenjene kao prihvatljive jer su bile u skladu sa zahtjevima iz predmjera radova. Uočeno je postojanje računske greške u ponudi ponuđača „Astra plan“ d.o.o. Brčko koji je dostavio saglasnost za ispravku. Ponuda ponuđača „Astra plan“ d.o.o. Brčko za Lot 6 i ponuđača „Lišić konstrukcije“ za Lot 2 su prevazišle procijenjenu vrijednost nabavke i odbačene su kao neprihvatljive. Izvršena je e-aukcija i došlo je do smanjenja cijena za lotove 3 i 4. Komisija je utvrdila da su ponude za lotove 2 i 5 neprihvatljive. Za Lot 2 je bila dostavljena jedna ponuda, ponuđača „Lišić konstrukcije“ d.o.o. Brčko koje je prevazišla procijenjenu vrijednost nabavke. Za Lot 5 je bila dostavljena jedna ponuda ponuđača „Gradska čistoća“ d.o.o. Brčko ali ponuda nije bila čvrsto uvezana te je komisija za ta dva lota dostavila preporuku o poništenju postupka nabavke.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjeljenju za javne nabavke,
2. Gradonačelniku,
3. Ponudačima,
4. Kancelariji za upravljanje javnom imovinom,
5. Arhivi.

